

NOBILISSIMO

ET

SVMMO HEROI,

MVSARVM MECOE NATI,

ALEXANDRO SETONO,

Fermilodunensi Comiti; Fivæ &

Vrquarti Domino :

MAGNO SCOTÆ

CANCELLARIO,

EVCHARISTICON DE

REGIS & REIPUBLICÆ,

SALUTE.

NOVEMB. V. Anno Dom. 1605.



E Cœlum imploro, & vos aurea limina mundi,
O Montes! O Saxa! & quæ longissima Tellus
Produxit: vos inclamo, obtestor quæfidei
Dicite ab ore: unquam si prima ab origine mundi
Monstrum tale prius peperit vel terra, vel unda,
Quale inter nostros natum est hac luce BRITANNOS.

R2. 0. 1. 5

AVTHORES IESVITAE.

SECTA invisa DEO, gens mundo inimica: malignus
 Layola quam genuit; peperit quam vipera; mundi
 Unica fax, Chari quæ obtendit nomen IESV, *Iesuitæ.*
 IVDASIDAE cum sint; gens regibus una rebellis; *Iudasidæ.*
 Flammis ora afflata; oculus micat ignibus illis;
 Spumans dextra cruore; pedes quos turpiter ursus *Apocal. 13.*
 Portat; sed vultus simulans gravitate Catonem.
 Gens (inquam) invadit magni duo lumina mundi
 HENRICVM, IACOBVM que, hunc flammis, ensibus illum
 Vtraque sacrificas mactanda est victima ad aras.
 Cæditur HENRICVS belloque & pace secundus,
 Cordaque jam sacras condunt transfixa sub ædes. *de la flasch.*
 Vulcanum accersunt subito Tellure sub ima
 Sulphureaque implere domos, & tecta ruinis
 Subjicere, ingenti Tonitru Cœlumque Solumque
 Motare intendunt: REGIS Sacrum caput; atque
 Principis HENRICI, Procerum Patriæque Parentum
 Carnivoris uno devotum est fulmine flammis.

Dicite Pontifices quibus est jugis hostia CHRISTI,
 Pilatus miscens pecudumque hominumque cruorem
 Rectane? Num quæso vobis imitanda peregit?
 Macte ergo & CHRISTI, & pascentes sanguine Regem

Σαρκοφάγοι πάντες: meretrix Babylonia flammis
 Æternisq; rogis tandem succensa peribit.

Sed TE (cui curæ est REX & RESPUBLICA) summis
 Excubiis vigilare decet, ne forte Locustæ
 Exiliant redivivæ, & jam Te vindice cuncti
 Carcere, & exilio, aut damnentur morte latrones. *Distingui-*
 Papicolûm ignavum at pecus, & quos fortiter urget *tur à fa-*
 Vana superstitio, Hos Tu Sacro dogmate cures *etiosis, ig-*
 Pastorum institui, sic tandem Roma dehiscet. *nari Papi-*
 Euge ergo veræ sis Religionis alumnus, *stæ.*
 Iustitiæque Parens, Te expertem publica clamat
 Vox ut avaritiæ, quæ cunctos ordine in omni
 Possidet: ut (Te) cunque severus mordeat unquam
 Zoilus, agnoscant CHRISTO REGI que fidelem.

A. Symsonus.

ANDREAPOLI,
 EXCVDIT EDVARDVS RABANVS,
Universitatis Typographus.

ANNC DOMINI 1621.